



Қ А Р О Р И

Q A R O R I

“ 21 ” феврал 20 20 й.

Наманган шаҳри III -сонли

**Наманган вилоятида кўчма савдо фаолиятини амалга
оширишнинг тартиб-таомиллари механизмларини
апробациядан ўтказиш тўғрисида**

Савдо механизмларини янада такомиллаштириш, товарлар бозорида соғлом рақобат муҳитини ривожлантириш, кўчма савдони давлат томонидан самарали механизмларини ташкил этиш, шунингдек замонавий ахборот технологиялари жорий этган ҳолда чакана савдо тармоқлари жадал ривожлантириш орқали тадбиркорлик субъектлари фаолиятининг моддий-техник ресурслардан фойдаланиш самарадорлигини янда ошириш ва ишлаб чиқарилаётган маҳсулотларнинг рақобатбардошлигини таъминлаш, савдо айланмасининг кенгайтириш учун шарт-шароитлар яратиш ҳамда Ўзбекистон Республикаси Президентининг 2018 йил 30 октябрдаги “Товар бозорларида савдони янада эркинлаштириш ва рақобатни ривожлантириш чора-тадбирлари тўғрисида”ги ПФ–5564-сонли Фармони ижросини таъминлаш мақсадида, Ўзбекистон Республикасининг “Маҳаллий давлат ҳокимияти тўғрисида”ги Қонунининг (*Ўзбекистон Республикаси Олий Кенгашининг Ахборотномаси, 1993 й., 9-сон, 320-модда*) 6 ва 25-моддаларига асосан,

ҚАРОР ҚИЛАМАН:

1. Ўзбекистон Республикаси Президентининг 2018 йил 30 октябрдаги “Товар бозорларида савдони янада эркинлаштириш ва рақобатни ривожлантириш чора-тадбирлари тўғрисида” ПФ–5564-сонли Фармони билан кўчма савдо учун рухсатнома олиш талаби бекор қилинганлиги маълумот учун қабул қилинсин.

2. 2020 йил 1 мартдан бошлаб шундай тартиб ўрнатилсинки, унга мувофиқ:

кўчма савдо тадбиркорлик субъектлари томонидан кўчма савдо объектларининг “YER AUKSION” электрон савдо майдонида (кейинги ўринларда – “YER AUKSION” ЭСМ) электрон рўйхатдан ўтказиш орқали амалга оширилади;

кўчма савдо жойи электрон аукцион орқали “YER AUKSION” ЭСМ жойлашув схемалари доирасида сотилади.

3. Куйидагилар:

Кўчма савдони амалга ошириш тартиби тўғрисидаги Низом 1-иловага мувофиқ;

“YERELEKTRON” ААТга уланадиган бошқарма, идора ва маҳаллий давлат ҳокимияти идоралари рўйхати 2-иловага мувофиқ тасдиқлансин.

4. Наманган шаҳар ва туманлар ҳокимликлари тегишли ҳудудларда кўчма савдони амалга ошириш тартиблари устидан назорат қилувчи ваколатли идоралар этиб белгилансин.

5. Наманган шаҳар ва туманлар ҳокимликларига, вилоят Қурилиш бош бошқармаси (С.Султанов), Ер ресурслари ва давлат кадастри бошқармаси (А.Жўраев), вилоят “Ермулккадастр” давлат корхонаси (М.Мутавалиев) билан биргаликда бир ҳафта муддатда:

шаҳар ва туманлар ҳудудида савдо ўринларини кўрсатган ҳолда кўчмас савдо объектларининг жойлашув схемаларини тузиш;

жойлашув схемасига мувофиқ кўчмас савдо объекти жойлашган ер майдонини “YER AUKSION” электрон савдо майдончаси орқали сотувга чиқариш;

кўчма савдо объектларини жойлаштириш бўйича таклиф келиб тушган кундан эътиборан уч иш куни ичида таклиф этилган ер участкасини “YER AUKSION” электрон савдо майдончасига чиқаришни таъминлаш;

рўйхатга олиш йиғимлари учун ҳисоб-китоб қилиш ҳамда пул маблағларини қайтариш;

тадбиркорлик субъектларига кўчма савдо объекти рўйхатга олинганини тасдиқловчи QR-код (матрица-штрих код) қўйилган электрон ҳужжатни реал вақт режимида юбориш вазифаси топширилсин.

6. Вилоят давлат солиқ бошқармаси (А.Тилаволидев) кўчма савдо объектлари тўғрисидаги маълумотлар реестрини юритилишини ҳамда вилоятда кўчма савдони амалга ошириш тартиби тўғрисидаги Низом талабларига риоя қилиниши бўйича мониторинг олиб борилишини таъминласин.

7. Савдо саноат палатаси вилоят бошқармаси (Қ.Джамалов)га шаҳар ва туманлар ҳокимликлари билан биргаликда кўчма савдони амалга ошириш тартиби тўғрисидаги Низомнинг мазмун-моҳиятини тадбиркорлик субъектларига етказилишини таъминлаш ҳамда уларни кўчма савдони амалга оширишга жалб қилиш чораларини кўриш тавсия этилсин.

8. Белгилансинки, кўчма савдо объектларининг жойлар сони кўрсатилган ҳолдаги жойлашув схемаларини келишиш, ваколатли идоралар томонидан қатъий электрон шаклда, “YERELEKTRON” автоматлаштирилган ахборот тизими (кейинги ўринларда - “YERELEKTRON” ААТ) орқали унга ер участкалари бўйича маълумотлар киритилганидан сўнг уч иш кунида автоматлаштирилган тарзда амалга оширилади.

9. Наманган вилояти ҳокимининг 2016 йил 24 октябрдаги 148-сон қарори ўз кучини йўқотган деб топилсин.

10. Наманган шаҳар ва туман ҳокимликлари манфаатдор бошқарма ва идоралар билан биргаликда ўзлари қабул қилган меъёрий ҳужжатларни икки ҳафта муддатда ушбу қарорга мувофиқлаштиради.

11. Мазкур қарор “Наманган ҳақиқати” ва “Наманганская правда” газеталарида эълон қилинсин ҳамда вилоят ҳокимлигининг namangan.uz расмий веб-сайтига жойлаштирилсин.

12. Ушбу қарор расмий эълон қилинган кундан эътиборан кучга киради.

13. Мазкур қарор ижросини назорат қилиш вилоят ҳокимининг биринчи ўринбосари А.Камалов зиммасига юклансин.

Вилоят Ҳокими



Х. Бозаров

Кўчма савдони амалга ошириш тартиби тўғрисида НИЗОМ

I боб. Умумий қоидалар

1. Мазкур Низом Наманган вилояти ҳудудида кўчма савдони амалга ошириш тартибини белгилайди.

2. Мазкур Низом талаблари қуйидагиларга:

байрам ва байрамолди кунларида савдо хизмати кўрсатиш юзасидан юридик шахслар билан тузилган шартномалар асосида кўчма савдони амалга оширишга;

Ўзбекистон Республикаси Президентининг ва Ўзбекистон Республикаси Вазирлар Маҳкамасининг қарорлари асосида кўргазма ва ярмарка савдоси ўтказишга;

мева-сабзавот маҳсулотларини бозорлар ва савдо комплексларида чакана сотишга;

амалга ошириш тартиби Ўзбекистон Республикаси Президентининг ва Ўзбекистон Республикаси Вазирлар Маҳкамасининг алоҳида қарорларида назарда тутилган ҳолларга татбиқ этилмайди.

3. Вилоят ҳудудида кўчма савдо қилиш ҳуқуқи ушбу низомда белгиланган тартибга мувофиқ кўчма савдо объектларини “YER AUKSION” электрон савдо майдонида (кейинги ўринларда – “YER AUKSION” ЭСМ) электрон рўйхатдан ўтказган тадбиркорлик субъектларига берилади.

4. Ушбу Низомда қуйидаги асосий тушунчалардан фойдаланилади:

кўчма савдо - кўчма савдо объектларидан фойдаланган ҳолда турғун савдо шохобчаларидан ташқарида озиқ-овқат ва ноозиқ-овқат товарлари билан чакана савдо қилиш;

кўчма савдо объектлари - вақтинчалик асосда жойлаштирилган ва мавсумий ёки мақсадли хусусиятга эга бўлган, шунингдек иш куни тамом бўлгандан кейин объектни қисмларга ажратиш ва кўчириш талаб этиладиган кўчма савдо объектлари (лотоклар, пештахталар, савдо аравачалари, палаткалар, автодўконлар, автотиркамалар, автоцистерналар, фудтраклар, тонарлар, савдо автоматлари ва бошқа ҳаракатланувчи объектлар).

Қисмларга ажратиш ва кўчириш талаблари савдо автоматларига татбиқ этилмайди;

кўчма савдо қилинадиган жой - “YER AUKSION” ЭСМда рўйхатдан ўтказишда кўрсатилган кўчма савдо объекти ҳудудий жойлашган жой;

кўчма савдо объектнинг ихтисослашуви - сотиладиган товарларни товар гуруҳларидан бирига тегишли эканини ифодаловчи ассортимент ўзига хослик;

кўчма савдо субъектлари - тадбиркорлик фаолияти билан шуғулланувчи ҳамда кўчма савдо амалга ошириш учун кўчма савдо объектларини ўрнатилган тартибда “YER AUKSION” ЭСМдан рўйхатдан ўтказган шахслар;

ваколатли идора - Наманган шаҳар ва туманлар ҳокимликлари;

иштирокчи - электрон аукционда иштирок этиш учун буюртма берган тадбиркорлик субъекти;

жойлашув схемаси - кўчма савдо объектларининг дастлаб тасдиқланган жойлаштириш жойлари;

GPS трекер - кўчма савдо объектларининг сунъий йўлдош орқали назорат қилиш учун, объектни аниқ жойлашган жойини аниқлаш учун қотириб қўйиладиган маълумотларни қабул қилиш-узатиш қурилмаси.

II боб. Кўчма савдо амалга оширишга талаблар ва шартлар

5. Кўчма савдони амалга оширишда қуйидагилар мажбурий талаблар ва шартларга тегишлидир:

чакана савдо соҳасидаги қонун ҳужжатларига, санитария қоидалари ва нормаларига мажбурий риоя қилиш;

банк пластик карточкалар ёки маълумотлар алмашилиш платформалари – виртуал кассалардан фойдаланган ҳолда тўловларни қабул қилиш бўйича назорат-касса машиналари ва ҳисоб-китоб терминали мавжудлиги. Мазкур талаб савдо автоматларига татбиқ этилмайди;

кўчма савдо объектлари яқинида маиший чиқиндилар учун урналарни жойлаштириш;

кўчма савдо объекти рўйхатдан ўтган жойдаги объектлар орқали товарларни реализация қилиш.

6. Кўчма савдо объектнинг ихтисослашуви турлари:

нон, нон ва кондитер маҳсулотлари;

гўшт ва гўшт маҳсулотлари;

сут ва сут маҳсулотлари;
бир марталик ошхона анжомлари билан ёки уларсиз тез пишар (тайёрлаш) таомлари;
мева-сабзавот ва полиз экинлари, шунингдек куруқ мевалар, писта ва ёнғоқлар;
музқаймоқлар, алкогольсиз яхна ва иссиқ ичимликлар;
озик-овқат маҳсулотлари;
босма маҳсулотлари;
гуллар;
халқ ижодиёти, санъати ва бошқа ҳунармандчилик маҳсулотлари;
ҳунармандчилик маҳсулотлари, сувенирлар, кийим-кечак, оёқ кийимлар ва енгил саноат маҳсулотлари;
ноозик-овақт маҳсулотлари.

7. Қуйидаги товарлар билан кўчма савдо амалга ошириш тақиқланади:
техник мураккаб маиший товарлари (металкесувчи ва ёғочни қайта ишловчи маиший техникалар, электромаиший машина ва ускуналар, маиший радиоэлектрон аппаратура, маиший ҳисоблаш ва кўпайтириш техникаси, фото ва киноаппаратура, телефон ва факсимил аппаратлари, электромусиқа асбоблари, электрон ўйинчоқлар, маиший газ ускуналари ва қурилмалари);
музлатиш ускуналари мавжуд бўлмаганида тез бузилувчан товарлар;
болалар овқатлари (куруқ сут, кукунсимон донли бўтқа, озуқа аралашмалари, мева ва сабзавот консервалари ҳамда пюре);
ҳайвонлар;
акцизланадиган товарлар, шу жумладан алкоголь маҳсулот;
хашорот ва заракунандаларга қарши курашиш учун химикат ва заҳарлар;
диний мазмундаги материаллар.

8. Қуйидаги жойларда кўчма савдо объектларини жойлаштиришга йўл қўйилмайди:
маъмурий бинолар фасадлари ва маданий мерос объектлари олдида, табиатни муҳофаза қилиш ҳудудида;
муҳандислик-коммуникация ҳимоя минтақаларида;
жамоат транспорти бекатларида тротуарнинг икки томони бўйича 15 м.дан яқин масофада (савдо автоматларидан ташқари);
кўчалар кесишмаларигача 15 м. дан яқин;
ахлат контейнерлари ва ахлат йиғиш пунктларидан 20 м. дан кам бўлмаган масофада;

сунъий иншоотларда (тўхташ навеслари, ерости ўтишлари, кўприклар, тоннеллар, транспорт ечимлар ва йўлўтказгичлар);
темир йўл кесишувигача 50 м.дан яқин.

9. Кўчма савдо объекти истеъмолчиларга хизмат кўрсатишни амалга ошириш вақтида қулай бўлган витрина ва пештахта(лар), норматив-ҳуқуқий ҳужжатлар ва техник регламентлар мажбурий талабларига мувофиқ зарур савдо, музлатиш ва ўзгача технологик жиҳозлар, шунингдек тўғри жойлашувни аниқлаш учун GPS трекер билан жиҳозланган бўлиши керак.

10. Ўрнатилган тартибда рўйхатдан ўтказилган кўчма савдо жойини ёки уни бир қисмини бошқа шахсга фойдаланиш учун бериш тақиқланади.

11. Кўчма савдо амалга ошириладиган транспорт воситаси 4 (Евро-4) экологик классидан кам бўлмаган талабларга мувофиқ бўлиши, белгиланган тартибда техник кўрикдан ўтган ҳамда техник соз ва тегишлича санитар ҳолатда бўлиши керак.

12. Харидорларга хизмат кўрсатиладиган витрина ва пештахталарга харидорларни эркин ўтиш имкони бўлмаган ҳолдаги харидорларга хизмат кўрсатиладиган кўчма савдо жойлаштириш (тўхтаб туриш)га йўл қўйилмайди. Харидорларга кўчма савдо орқали хизмат кўрсатишда йўлнинг қатнов қисмида бўлмаган йўлак ёки бошқа асфальтланган майдонда амалга оширилиши керак.

13. Кўчма савдо субъектлари, қуйидагиларга мажбур:

кўчма савдо объектида кўчма савдо субъекти тўғрисидаги, кўчма савдо объектини иш вақти бошланиши ва тугаши ҳақидаги, реестрга киритилганлиги ҳақида (QR-код қўйилган электрон ҳужжат нусхаси кўринишида)ги маълумотлар, ташкилотни манзили ва телефон рақами, шунингдек савдо автоматларида шу жумладан техник хизмат телефон рақамлари ҳақидаги маълумотларни жойлаштириш;

ваколатли идорага кўчма савдо объектлар тўғрисидаги маълумотлар ўзгарганлиги тўғрисида, тегишли ўзгаришлар кирган кундан бошлаб 10 кун давомида, ваколатли идорага эркин шаклдаги ариза йўллаш ва тегишли ўзгартиришлар киритилганлигини тасдиқловчи ҳужжатлар нусхаларини илова қилган ҳолда, ёки электрон рақамли имзо билан тасдиқланган электрон ҳужжат шаклида ахборот бериш.

14. Сотувга қўйилаётган товарлар ассортиментини, кўрсатилаётган хизматлар рўйхати, сотувчи томонидан кўчма савдони ихтисослашувига мувофиқ мустақил белгиланади.

15. Кўчма савдо субъектлари кўчма савдони улар томонидан рўйхатга ўтишда кўрсатилган иш вақти режимига асосан амалга оширадilar.

16. Транспорт воситасидаги кўчма савдо йўл ҳаракати қоидаларига мувофиқ транспорт воситасини тўхтаб туриши тақиқланмаган жойларда амалга оширилиши мумкин.

Кўчма савдо объекти иш вақтидан ташқари фақат жиҳозланган тўхташ жойи (гараж)да тўхтаб туриши мумкин. Кўчма савдо объектини ҳовли-жой ва яшаш ҳудудларида тўхтаб туришига йўл қўйилмайди.

17. Савдо автоматлари орқали, қоида тариқасида, оммавий талабга эга нархи юқори бўлмаган ва стандарт шакллардаги товарлар (чой, кофе, салқин ва алкогольсиз ичимликлар, кондитер, нон маҳсулотлари, ширинликлар, алоҳида ноозиқ-овқат товарлар (босма маҳсулот ва газеталар) сотилади.

Савдо автоматлар товар таъминоти ва техник хизмат кўрсатиш савдо автоматини “YER AUKSION” ЭСМдан рўйхатдан ўтказган, товар-моддий қимматликларини сақланишини таъминлаш ҳамда савдо автомати бузилган ҳолларда товарларни яроқсиз бўлишини олдини олиш мажбуриятларини ўз ичига олган кўчма савдо субъекти зиммасига юклатилади.

III боб. Кўчма савдо объектини рўйхатдан ўтказиш тартиби

§ 1. Кўчма савдо объектини рўйхатдан ўтказиш умумий қоидалари

18. Кўчма савдони объектларини “YER AUKSION” ЭСМдан рўйхатдан ўтказиш тадбиркорлик субъектлари томонидан кўчма савдо жойини бириктириш орқали электрон бланкасини тўлдириш орқали амалга оширилади.

19. Кўчма савдо жойлашув схемаси доирасида амалга оширилади.

Жойлашувлар схемалари доирасидаги кўчма савдо жойи электрон аукцион орқали “YER AUKSION” ЭСМ ёрдамида амалга оширилади.

20. Кўчма савдо объектини “YER AUKSION” ЭСМдан рўйхатдан ўтказиш учун қуйидаги миқдорларда йиғим ундирилади:

Наманган шаҳрининг маъмурий марказларида кўчма савдо амалга оширганлик учун – базавий ҳисоблаш миқдорининг 75 фоизи;

туманлар маъмурий марказларида кўчма савдо амалга оширганлик учун – базавий ҳисоблаш миқдорининг 50 фоизи.

Бошқа аҳоли пунктларида кўчма савдо амалга оширишга “YER AUKSION” ЭСМдан рўйхатдан ўтказиш учун йиғим ундирилмайди.